

Dadus relata 19 Maiu 2021

SUMÁRIU

- Ministeriu Saúde relata tan kazu foun hamutuk **1320** dezde kazu relata ikus iha loron (12.05.2021) – no lori totál kazu COVID-19 relata iha Timor-Leste hamutuk **4,949**. Pasiente hotu baixa ona iha facilidade tratamentu no izolamentu iha Vera Cruz, Tasitolu, Tibar, Lahane no oteis ba izolamentu no sentru izolamentu seluk ne'ebé governu identifika. MS mós aprova ona ba kazu balun hodi halo izolamentu iha uma de'it.

To'ó ohin loron, 18.05.2021 – Laboratóriu Nasionál Saúde hala'ó ona teste COVID-19 **86,643** inklui amostra sira ne'ebé rekolla husi rastreiu ba kontaktu iha munisípiu afetadu sira.

- Ekipa vijilánsia sira halo ona investigasaun klean no rastreamentu kontaktu. Ba informasaun kompletu liután kona-ba kazu foun bele hare iha pájina Facebook Ministériu Saúde, [Palacio Das Cinzas](#)
- Ministériu Saúde ho apoiu husi OMS no UNICEF kontinua ho ativu hala'ó atividade sensitizasaun no advokasia tama sai uma (*door to door activity*) iha Munisípiu Dili.
- MS anuncia tan kazu óbitu COVID-19 hamutuk 6 iha loron 13, 16 no 19 Maiu 2021. Iha loron 13 Maiu relata kazu óbitu 3 – prizoneiru ida iha Becora, inan feto ida mate iha Caicoli no ida seluk relata husi Liquica. Iha loron Sábado 16 Maiu, relata tan ema ida mate bainhira iha serbisu fatin hela, no rezultadu post-mortem teste swab hatudu pozitivu COVID-19. No mós iha loron hanesan, relata tan sidadaun Xinez ida mate iha facilidade Vera Cruz no mate tanba COVID-19. No ohin loron, relata tan óbitu ida, mane ho idade maizumenus 60 resin tama ba Ospital Nasionál ho ho moras sindroma respiratória aguda no *faillansu iha orgaun isin*.
- UNICEF, hamutuk OMS no parseiru sira seluk, kontinua fó apoiu ba Ministériu Saúde hodi halo distribusaun vasina COVID-19 iha Timor-Leste, inklui mós treinamentu kontinuaun ba pesoál saude sira iha nivel munisípiu, hala'ó advokasia, no sensitizasaun kona-ba importánsia husi vasina COVID-19.
- UNICEF no OMS fó apoiu tékniku ba sekretariadu COVAX no ba grupu serbisu tékniku hodi reeve fali enumerasaun hodi introdús vasina COVID-19 adisionál.

SITUASAUN IHA NÚMERU

Totál no kazu (foun) iha Timor-Leste

4949 konfirmadu (foun **1320**)

2636 rekupera (foun **744**)

2302 kazu ativu

11 mate

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha loron hitu nia laran

Globalmente

162 184 263 konfirmadu (**4 809 520**)

3 364 446 mate (**85 975**)

- UNICEF fornese material ijiene ba Servisu Saúde Munisípiu Dili (SSM) hodi halo distribusaun ba prizioneiru nain 203 ne'ebé konfirmadu COVID-19 iha prizaun Dili no mós prizioneiru nain 29 iha Suai, Covalima.
- UNICEF kontinua fó apoiu ba SAMES hodi halo akizisaun ekipamentu korrente malirin, distribusaun vasina no manutensaun sira.
- UNICEF, fó apoiu ba Ministériu Saúde hodi halo monitorizasaun ba servisu saude esensiál liuhusi Sentru Saúde Komunitária (SSK) no postu saude sira hodi garante kontinuasaun imunizasaun rutina ba labarik sira no mós ba servisu saude esensiál sira seluk ba labarik no inan sira.
- UNICEF kontinua hala'o advokasia kona-ba prevensaun COVID-19 iha Televizaun, radio komidade no média online sira.

ATUALIZASAUN EPIDEMIOLOJIKU


- To’o ohin loron 19 Maiu 2021, kazu COVID-19 hamutuk 4,949 ne’ebé maka relata ona iha Timor-Leste. Númeru kazu hirak ne’e aumenta makaas dezde inisiu fulan Marsu 2021. Fatores balun alende virus ne’ebé da’et ba ema barak maka medida sira hanesan rastreiu masal no mós halo rastreiu ba sidadaun sira ne’ebé tama mai liu dalan illegal iha munisípiu fronteira tolu (Bobonaro, Covalima no Oecusse), kapasidade iha munisípiu Dili hodi halo rastreiu ba kontaktu husi kazu konfirmadu sira no pasajeiru sira ne’ebé halo pedidu hodi teste atu sai ba munisípiu seluk (hanesan parte ida husi “serka sanitaria”). Foin lalais ne’e, kazu barak mak detetadu sein hatene nia ligasaun klaru husi kazu nia huun ka hetan moras ne’e husi se. Hanesan hatudu ona husi indikadór oi-oin katak, Timor-Leste konsidera tama ona iha senáriu “transmissaun iha comunidade”.



Data notifikasaun kazu foun no kumulativu COVID-19 iha Timor-Leste
(19-May-2021 : Kazu Foun-178 Kumulativus-4949)




- Karaktéristiku husi kazu sira ne’ebé relata ona, maioria kazu mosu iha grupu idade entre 20 – 29, tuir ho grupu idade 30 – 39, no idade 40 – 49. Divizaun ba jéneru husi dadus ne’e hatudu katak kazu hirak ne’e maioria da’et ka kona ba mane kompara ho fetu sira.




- Iha munisípiu 13 ne'e relata hotu ona kazu konfirmadu COVID-19, maibe kazu barak liu husi Munisípiu Dili.


Distribusaun tur Munisípiu: Kazu pozitivu
 Dili : 4234 | Munisípiu seluk : 715



- Prestasaun servisu labotaróriu aumenta di'ak ba beibeik. Dezde inisiu pandemia to'o loron 19 Maiu 2021, Laboratóriu Nasionál Saúde (LNS) no laboratóriu iha ospital referral sira hala'o ona teste PCR hamutuk **86,643**. Durante loron serbisu nian, lor-loron LNS halo teste maizumenus 1200. No foin lalais ne'e, rezultadu teste PCR bele hetan iha oras 24 nia laran.




- Haree ba número teste ne'ebé aumenta lor-loron, nunee mós ho número kazu pozitivu aumenta ba beibeik, no ida ne'e reflata mós iha daily test positivity rate husi kazu pozitivu sira. Daily test positivity rate atual ne'e ho média 9%, ho nia tendénsia (Sigla Ingles: trend) aumenta. Ida ne'e hatudu katak epidemia ida ne'e sei aumenta tan.



- Kazu insidénsia kuaze ema nain 48 pur kada populasaun 100,000 (48/100,000) durante loron 7 nia laran, ne'ebé maka aas liu nasaun seluk hanesan Indonezia no Tailândia. Número reproduisaun 1,1, ne'e significa katak virus ne'e sei da'et iha populasaun nia leet. Kompara ho nasaun seluk hanesan Indonezia no Tailândia ne'ebé iha rejaun iha ho Timor-Leste, número kazu hirak ne'e relativamente iha nivel transmisaun ne'ebé aas tebes.

Kazu Insidénsia no Númeru Reprodusaun



OMS TIMOR-LESTE NIA OBJETIVU ESTRATÉJIKU

- Hapara moras da'et husi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializaun ba informaun risku no eventu ba comunidade hotu-hotu no hakotu informaun la loos liuhusi servisu hamutuk ho parseiru sira.
- Hamenus impaktu sosiál no ekonómiku liuhusi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia husi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai husi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, husi liman bele transfere virus ba matan, inus ka ibun. Husi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita husi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun husi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasionál no lokál, ka empregadór kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasionál no lokál sei iha informasaun atualizadu kona-ba karik COVID-19 da'et iha ita-nia área. Sira maka fatin dí'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi husi #COVID19:

- **Taka ibun no inus bainhira me'ar**
- **Labele ka'er matan, inus no ibun**
- **Evita ba fatin públiku no limita tempu iha espasu ne'ebé taka metin**
- **Bainhira distansia fiziku la posivel, obrigatóriu ba ita atu uza maskára**
- **Mantein distánsia metru ida ka liu husi ema seluk**
- **Hamoos beibeik objetu no fatin sira ne'ebé ita kaer beibeik**
- **Izola an husi ema bainhira sente moras no buka tratamentu, bainhira presiza**

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
- Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran

- OMS Timor-Leste liuhusi nia [Pájina Facebook](#) no [Twitter](#) mós disemina informasaun kona-ba medida preventiva, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int